

摘藻堂四庫全書薈要

集部

欽定四庫全書薈要

御定歷代題畫詩類卷二十二目錄

山水類

題朱審寺壁山水畫

唐柳公權

同族弟金城尉叔卿燭照山水壁畫歌

唐李白

臺中寓直晨覽蕭侍御壁畫山水

唐羊士諤

奉和李右相書壁畫山水

唐孫逖

觀于舍人壁畫山水

唐王季友

依韻和仲庶省壁畫山水

宋司馬光

次韻吳仲庶省中畫壁

宋王安石

依韻和原甫廳壁許道寧山水

宋梅堯臣

曹仁熙畫水壁

宋晁說之

毘陵太平院壁間畫山水

宋林景清

和元晦詠畫壁

宋張栻

觀劉氏山館壁間所畫四時景物各有深趣因為

六言一絕復以其句為題作五言四詠

宋朱子

壁間古畫精絕未聞有賞音者

宋朱子

人日遊西山寺觀謝章壁畫山水

金趙秉文

張吏部宅山水壁歌

元范梈

友人壁間寒山圖

元范梈

題額森特穆爾開府宅壁畫山水歌

元趙孟頫

題畫壁

元貢性之

題壁間畫

明于謙

觀古壁畫山水歌

明年嘉敘

壁間雜畫

明李延興

題金山壁間畫

明陳鈞

題濟寧公館壁間山水

明李裕

定州畫壁水

明王世貞

畫學董生畫山水屏風

宗蘇轍

畫枕屏

宗蘇轍

張秀才枕屏

宗陳造

山水屏

宗曾鞏

山水臥屏

宋黃庶

題戲水墨山水屏

宋楊萬里

新作紙屏隆師為作山水

宋程俱

自畫山水留春堂大屏題其上

宋晁補之

題嚴州王秀才山水枕屏

宋陸游

徐道士水墨屏

宋白玉蟾四首

山水屏圖詩

元朱德潤

牀屏山水圖歌

明高啓

題畫屏

明陳煒

題山水障子

唐張祐

題王右丞山水障

唐張祐二首

劉相公中書江山畫障

唐岑參

題畫帳山水

唐皇甫冉

謝重緣舊山水障子

唐齊己

硯水墨障子

唐李洞

觀山水障子

唐伍喬

郭熙山水障子

宋劉克莊

題俞景山畫山水障

明錢宰

題山水障子

明張通

畫障次韻

明俞暉

畫山水障

明周用

曹民部藏何太守山水障歌

明祝允明

題陳道復谿山障子

明王寵

題山水障

明李汎

題山水畫障

明杭濟

題董生春山障子

明王穉登

欽定四庫全書薈要卷一萬九千一百三十

集部

御定歷代題畫詩類卷二十二

山水類

題朱審寺壁山水畫

唐

柳公權

朱審偏能貌夕嵐洞邊深墨寫秋潭與君一顧西牆畫
從此看山不向南

同族弟金城尉叔卿燭照山水壁畫歌

唐

李白

高堂粉壁圖蓬瀛
燭前一見滄洲清
洪波洶湧山崢嶸
皎若丹丘隔海望
赤城光中乍喜嵐
氣滅謂逢山陰晴
後雪迴溪碧流寂
無喧又如秦人月
下窺花源了然不
覺清心魂祇將疊
嶂鳴秋猿與君對
此歡未歇放歌行
吟達明發却顧海
客揚雲帆便欲因
之向溟渤

臺中寓直晨覽蕭侍御壁畫山水

唐

羊士諤

蟲思庭莎白露天
微風吹竹曉淒然
今來始悟朝回客
暗寫歸心向石泉

奉和李右相書壁畫山水

唐孫逖

廟堂多暇日山水契中情欲寫高深趣還因繪藻成
九江臨戶牖三峽繞檐楹花柳窮年發煙雲逐意生能令
萬里近不覺四時行氣染荀香馥光含樂鏡清詠歌齊
出處圖畫表冲盈自保千年遇何論八載榮

李公詩云八載忝司存

觀于舍人壁畫山水

唐王季友

野人宿在人家少朝見此山謂山曉半壁仍棲嶺上雲
開簾欲放湖中鳥獨坐長松是阿誰再三招手起來遲

于公大笑向余說小弟丹青能爾為

依韻和仲庶省壁畫山水

宗
司馬光

畫工執筆已心遊稍稍衡皋引杜洲
堆案煩文猶倦暑
滿軒新意忽驚秋天生賢者非無謂
官過明時未易休
正恐怒飛朝暮事丹青難得久淹留

次韻吳仲庶省中畫壁

宗
王安石

畫史雖非顧虎頭還能滿壁畫滄洲
九衢京洛風沙地
一片江湖草樹秋
行數條魚賓共樂
卧看鷗鳥吏方休

知君定有扁舟意却為丹青肯少留

依韻和原甫廳壁許道寧山水云是富彥國作判

官時畫

宋梅堯臣

山情水思半軒間試問來居有底閒唯有才高方暇佚
無論歲月自能攀

曹仁熙畫水壁

宋晁說之

夫子在川上悠然歎所逝見逝不見水身與水不二天
維及地軸去矣不可制日月徒勞勞出入丈尺地莫言

此身微九圍待經濟或指波濤觀姑在蹄涔內後人不
及門有口安足議妙得蒙莊周動與呂梁會肇公識前
波不共後波繫龐公橋柱流奔湍是誰事熟誇觀濤者
八月吳儂戲瞪目不敢瞬睫轉蛟鼉噬多謝曹仁熙筆
端落妙意欲採甍社珠於此觀粲翠

毘陵太平院壁間畫山水熟視之有飛動勢殆仙

筆也因題

宋 林景清

山風不動雲四寂萬頃波濤生素壁三峽夜怒搖星河

九溟晝沸卷霹靂誰將江海一筆吞華陽入硯玄波翻
靈鼇東轉坤軸動驚浪出沒蛟與鼃毫端分寸千萬里
人心之險亦如此老僧閱世如閱畫面壁凝然悟玄理
嗟余老作汗漫游寒光飛動六月秋乃知瞿唐在平陸
安得竹葉吹成舟

和元晦詠畫壁

宋張栻

松杉夾路自清陰溪水有源誰復尋忽見畫圖開四壁
悠然端亦慰余心

觀劉氏山館壁間所畫四時景物各有深趣因為
六言一絕復以其句為題作五言四詠

宋
朱子

絕壑雲浮冉冉層巒日隱重重釋子巖中晏坐行人雪
裏迷蹤

頭上山洩雲脚下雲迷樹不知春淺深但見雲來去
夕陽在西峰晚谷背南嶺煩鬱未渠央佇茲清夜景
清秋氣蕭瑟遙夜水崩奔自了巖中趣無人可共論

悲風號萬竅密雪變千林匹馬關山路誰知客子心

壁間古畫精絕未聞有賞音者

宋朱子

老木樛枝入太陰蒼崖寒水斷追尋千年粉壁塵埃底
應識良工獨苦心

人日遊西山寺觀謝章壁畫山水

金趙秉文

蕭寺荒堂三五間謝章滿壁畫江山天涯霜雪少春意
一日攜酒開心顏飢禽穿窗啄官粟歲久剝牆樵指禿
山僧送客不開門寒雲夜夜飛來宿

張吏部宅山水壁歌

元
范
曄

高堂秉燭見翠微巖厓突兀當兩扉庭前繫馬霧露集
老木倒挂藤蘿衣問誰妙手能至此筆墨簡古世所稀
天官主人為我言翰林供奉精天機憶我尋山客南粵
地暖四時皆芳菲眼中得此了不易便覺宇宙揚清暉
旅人獨行歌采薇滄洲茅屋何年歸安得峰頭置雙鶴
相逐蓬萊頂上飛

友人壁間寒山圖

元
范
曄

行盡天涯不見秋
君家庭院冷颼颼
太平欲選風霜吏
畫史當居第一流

題額森特穆爾開府宅壁畫山水歌

元趙孟頫

大山翠律摩青天
小山平遠通雲煙
商侯胸中有丘壑
信手落筆分清妍
閭風玄圃元不遠
燦爛金碧流潺湲
參差澗谷樓觀起
縈紆石路朱橋連
松風颼颼響虛閣
棋聲剥啄來羣仙
漁歌樵唱渺何許
綸巾羽扇清溪邊

高情自有泉石趣涼意不受塵埃纏世間書畫亦豈少
誰能真賞如公賢華堂風日不到處絕勝繡幙空高懸
舉觴酌酒為公壽眼明對此三千年

題畫壁

元貢性之

何處江山似此佳看君圖畫欲移家沙邊洲渚潮渾沒
雲裏樓臺樹半遮叢桂漫歌招隱賦種桃誰識避秦花
晚風吹送歸舟急一片征颿帶落霞

題壁間畫

明于謙

看山如看畫聽水如聽琴
水流碧溪轉山高白雲深
俯仰天地間萬物本無心
松風颯然來為我滌煩襟

觀古壁畫山水歌

明
牟嘉敘

危樓百尺凌空起古壁丹青畫山水
淨埽浮埃據榻觀筆跡何人乃能爾
想當盤礴時巧思妙入神胸中羅萬
象寫出皆天真迴峰疊嶂開嶙峋
白波浩蕩渺無垠仙人宮闕擁出
碧雲裏宛如三山隔水無通津
松間白鶴呼不下却思整翮凌蒼昊
超然風景異人世四時花木

相鮮新溪林冥密碧草合又如花源有路通秦人蒼茫
遠勢尤莫測渤澥崑崙看咫尺一葉漁舟歸未歸洞庭
秋淨湘煙碧野橋沙岸曲徑通高樹下有長髯翁恍如
著我圖畫中手攜雲鏡倚青松萬籟不起千山空仰天
一笑看飛鴻

壁間雜畫

明
李延興

山中之人氣奕奕愛畫雲山與水石遠山近山恣一揮
頃刻生綃數千尺今代只數高尚書妙處不減米家筆

後之善畫者為誰青山白雲久蕭瑟忽驚座上煙靄生
漠漠平林翠如織平生夢想不可到乃在君家雪色壁
花發窮林破曉紅水合長天蕩晴碧蘆邊雁影落迴汀
沙上漁蓑曬斜日白髮蒼顏四老人棋罷松間坐爭席
筍皮笠子大如繖歸去不愁山雨濕爐經九轉鍊丹成
杖挂百錢沽酒喫眼看此景不可親况復憧憧事塵役
會須結屋山之阿更求好田水之側野人生理自有餘
耕歸牛角懸書帙茅檐夜火促寒機古甸秋風收晚粟

安車若便下丘樊為勸先生不可出

題金山壁間畫

明陳鈞

空翠忽入戶飛來何處峰人家多傍樹僧寺不聞鐘流水衝橋急閒雲出岫慵何當撫琴坐願學臥遊宗

題濟寧公館壁間山水

東董憲副國器

明李裕

良工繪畫應擅名故向粉壁施丹青青巒碧嶂粲如綺溪橋流水空泠泠煙樹蒼茫隱臺閣白晝寒風起巖壑兩峰嵯峨插九霄飛瀑一簾半空落古松偃蹇石崔嵬

小舟蕩漾江水隈春雲如波瑤不去野花含笑年年開
我本當時雲路客到處山川多閱歷遠觀恍若太華之
三峰氣勢崢嶸薄星日近觀又似東岱之天門懸崖雙
扇凌絕壁平生逸興獨超然靜坐對之紛慮釋美人高
趣儻在茲乞歸同買謝公屐

定州畫壁水二堵妙絕天下望之若真水起伏潏
洄有浩淼萬頃之勢州志謂為吳道子畫非也
寺成在道子後百餘年余歌以暢厥美仍為志

解嘲

明 王世貞

柏林寺中千株柏蟄月寒虬怒生翼誰為吸盡西江水
一吐阿蘭雙素壁永夜旋愁牛漢翻中堂陡見龍門闢
更疑滄海浴日初不斷瀟湘帶天色鴈王睥睨飢欲動
娑竭蜿蜒避無策驚毫欲捲阿耨枯醉瀟橫拖鷺頭碧
怪無蘭漿為穿進縱有并刀剪不得寒聲颯颯生清瀾
令我三日欲卧觀借問畫者誰畫筆勁似秋鷹搏無乃
孫知微定非楊契丹試披圖經讀謂是吳道子此寺此

壁天福始開元之人人已鬼只今何限丹青師好手吳
生那得之君不見唐朝葉道士攝魄為寫松陽碑

畫學董生畫山水屏風

宋蘇轍

承平日事足鴻都無不有策牘試篆隸丹青寫飛走紛
然四方集狐兔萃林藪何人知有益長嘯呼鷹狗奔逃
走城邑驚顧念糊口素屏開白雲稱我茅檐陋濡毫願
揮灑峰巒映巖竇巨石連地軸飛布瀉天漏縈山一徑
通過水微橋構山家煙火然遠寺晨鐘叩僧從何方來

行速午齋後有客呼渡船隔水惟病叟听然發一笑此
處定真否人生初偶然與此誰夭壽厄窮妄自憐一醉
輒日富客至亦茫然邀我沽斗酒

畫枕屏

宗
蘇轍

繩牀竹簟曲屏風野水遙山霧雨濛長有灘頭釣魚叟
伴人閑臥寂寥中

張秀才枕屏

宗
陳造

寒風慘澹森木古羣鴉無人自翔舞重山積水幾里所

稍見孤舟渺煙雨意吞洞庭卓天姥短屏數幅渠能許
何時去作湖山主還喚詩翁未著語

山水屏

宋 曾 鞏

吳縑落寒機舒卷光亂目秋刀剪新屏尺寸隨折曲搜
羅得珍匠徒倚思先屬經營頃刻內千里在一幅定盱
乃漸通紀一作悉數難迫促山亂若無窮員抱頗重複高

稜最當中桀大勢尤獨回環衆峰接趨向若奔伏矜雄
跨九州爭險挂星宿深疑雪霜積暗覺煙霧觸泉源出

青冥漲潦兩厓東，歷遠始紆徐。派別輸衆谷，輕舟漾其

間。沿沂無緩速，微尋得修逕。側起破蒼麓，遠到無限極。

窮升犯雲族，遊子定何之。顧盼停馬足，盤石長自閑。空

源偶誰築，塵氛見荒林。物色存古俗，粲粲弄幽花。蒼蒼

蔭嘉木，遺牛上巖巔。驚麕出槎腹，鮮明極萬狀。指似纔

一粟，雖從人力為。頗類陰怪續，深堂得欹眠。高枕生遠

矚，餘光耀衾幃。清意凝幔褥，愚訶世幸略。慵臥嗜尤酷，

因能助佳夢。肯顧躋杲旭，將相有時材。溪巖真我欲，儒

林恥未博俗，竄思自贖婚。嫁累苟輕耕，釣吾已卜圖。屏
持自慰寤，寐心思逐。

山水臥屏

宋
黃庶

林泉生長厭，應難更寫方。屏幾曲間，仕宦東西苦無定。
此心長似宿家山。

題戲水墨山水屏

宋
楊萬里

櫂郎大似半邊蠅，摘蕙為船折草撐。今夜不知何處泊，
浪頭正與嶺頭平。

新作紙屏隆師為作山水筆墨略到而遠意有餘
戲題此句末句蓋取所謂柴門鳥雀噪游子千
里至也

宋程俱

急雨初收山吐雲清溪曲曲抱煙邨拋書午枕無人喚
歸夢真疑鵲噪門

自畫山水留春堂大屏題其上

宋晁補之

胸中正可吞雲夢醖裏何妨對聖賢有意清秋

一作扶筇入

衡霍為君

一作毛錐

無盡寫江天

題嚴州王秀才山水枕屏

宋陸游

我行天下路幾何三巴小益山最多翠崖青嶂高嵯峨
紅棧如帶縈巖阿下有駭浪千盤渦一跌性命委蛟鼉
日馳三百一烏騾雪壓披氊泥滿鞞驛亭沃酒醉臉酡
長笛腰鼓雜巴歌大散關上方橫戈豈料世變如翻波
東歸輕舟下江沱回首歲月悲蹉跎壯君落筆寫岷嶓
意匠自到非身過偉哉千仞天相摩谷裏人家藏綠蘿
使我恍然越關河熟視粉墨頻摩挲

徐道士水墨屏

四首

宗白玉蟾

鴈側風前字煙凝雨後情不知誰氏子持釣立江城
人遠看來短山遙淡欲無水邊漁舍密天際客帆孤
亂山草斜出危岡竹倒懸人家春樹裏山色夕陽邊
霜月沈青嶂汀鷗臥白沙曉風刪竹葉秋霧補山了

山水屏圖詩

元朱德潤

丈夫無奇才雖顯不足名高山之秀麗兀立培塿形况
乃畫圖間兩奪造化精中堂素壁本虛靜誰令揮灑研

丹青女媧五色不補天神功鞭石來蒼昊驅山奔海入
紉素扶輿之氣青熒熒赤城霞彩千峰明洞庭湘浦雲
英英風帆畫捲瀟湘雨黃葦堆灘插漁罟獨木莊前野
水流夕陽川上鼓橋渡大峰倚天接天門又如特立太
華尊羣山趨俯不敢動山前星辰手可捫我欲託身山
上巔丹梯百尺何由緣畫興欲來別有趣顛毫醉墨飄
如仙仙成却服九還丹兩腋清風飛上天

牀屏山水圖歌

明高啓

畫師知余愛青山久墮塵網無由還故將列岫寫屏嶂
使我臥起於其間從此長如宿清境枕上分明見峰巒
爐煙曉入帳中飛擁被驚和白雲冷丹崖碧樹層層開
江雨遠逐孤帆來就中樓閣是何處騁歸神女巫陽臺
楚山修竹瀟湘水似有清猿忽啼起江南千里夢遊歸
半牀落月高堂裏

題畫屏

明陳煒

雪漫江天萬木中一間茅屋覆詩翁何人醉醒梅花月

蹋遍寒山路幾重

題山水障子

唐張祐

一見秋山色方憐畫手稀
波濤連壁動雲物下簷飛
嶺樹冬猶發江帆暮不歸
端然是漁叟相向日依依

題王右丞山水障

二首

唐張祐

精華在筆端咫尺匠心難
日月中堂見江湖滿座看
夜凝嵐氣濕秋浸碧光寒
料得昔人意平生詩思殘

右丞今已沒遺畫世間稀
咫尺江湖盡尋常鴻鴈飛
山

光全在掌雲氣欲生衣以此常為玩平生滄海機

劉相公中書江山畫障

唐岑參

相府徵墨妙揮毫天地窮始知丹青筆能奪造化功
瀟湘在簾間廬壑橫座中忽疑鳳凰池暗與江海通
粉白湖上雲黛青天際峰晝日恒見月孤帆如有風
巖花不飛落澗草無春冬擔錫香爐緇釣魚笠澤翁
如何平津意尚想塵外蹤富貴心獨輕山林興彌濃
喧幽趣頗異出處事不同請君為蒼生未可追赤松

題畫帳山水

唐
皇甫冉

桂水饒楓杉荆南足煙雨猶疑黛色中復是雒陽岵

謝重緣舊山水障子

唐
齊己

敢望重緣飾微茫洞壑春坐看終未是歸臥始應真已
覺中心朽猶憐四面新不因公子鑒零落幾成塵

硯水墨障子

唐
李洞

若非神助筆硯水恐藏龍研盡一寸墨埽成千仞峰壁
根堆亂石牀罅種枯松岳麓穿因鼠湘江綻為蜚挂衣

嵐氣濕夢枕浪頭春只為少顏色時人著意慵

觀山水障子

唐 伍喬

功績精妍世少倫圖時應倍用心神不知草木承何異
但見江山長帶春雲勢似離巖底石浪花如動岸邊蘋
更疑獨泛漁舟者便是其中舊隱人

郭熙山水障子

宋 劉克莊

高為峰嵩下濤江極目森秀涵滄浪始知著色未造極
一似醜女施鉛黃驚泉駭石聚幽怪巨楠穹柏蟠老蒼

鹿門寺華子岡是邪非邪遠莫詳疑聞鐘聲起晡霽似
有帆影來微茫陌窮渡絕雪滿坂驢鞍釣笠分毫芒炎
曦亭午試展玩坐覺煙雨生縑緗古來絕藝必名士俗
史辟易安敢當大年脂粉米老狂先朝僅數燕侍郎吾
聞汾陽子貴購父畫一筆不許他人藏矮屏短軸已可
寶況此四幅垂華堂嗚呼主人謹護守神雷鬼電或取
將

題俞景山畫山水障

明
錢 宰

老夫索居江上樓廿年不出懷舊游扣門下樓出迎客
但見絕壑風颼颼岱宗日觀山上頭日出未出蒼煙浮
嵩高插天太華碧峨眉青城翠欲流匡廬老泉挂白石
蒼梧水落湘江秋懸崖倚天萬山立翔鸞舞鳳蟠蒼蚪
幽岑遠樹互出沒白雲不散松風收松根老樵列四五
招我共入青林幽平生遊歷走不遍千里萬里窮遐搜
如何一日墮我前空翠雜沓來雙眸舉頭問客何因入
此境迺是手持圖畫來滄洲俞君作畫時雅有山林癖

朝登望秦山萬壑千巖盡橫臆暮上香爐峰海色秋清
上遙碧歸來放筆作董元筆底丹青浩無跡海桑一別
三千年山月江風耿相憶仰觀巖上泉俯看松下石故
人不見空畫圖十幅雲煙捲還客

題山水障子

為蕭溪耕者賦

明張適

蕭溪先生樂山者結屋臨溪頗幽雅開軒見水不見山
却向圖中看揮灑高齋素壁懸清風彷彿坐我林崖下
羣峰奔馳勢如馬綠樹人家面平野層閣忽從天際來

飛泉遠自峰頭瀉半山雲氣千峰白滿谷霞生萬巖赭
野橋日落行人稀幽徑花開知者寡蕭溪閑居畫多暇
坐對此圖看不捨平生況復能食力春作鉏犂躬自把
短簑朝耕隴上雲長檠夜落書邊炮有時歸來面盟鷗
鯨吸春醅知幾竿登高或著謝傅屐帶酒何妨遠公社
臨池每解學來禽對客猶知論裹鮓醉中邀我賦長篇
老我才疎不堪寫

畫障次韻

明

俞暉

老人自是逃名者白髮蕭然綠薜衫盡日江亭誰作伴
相看沙鳥與風帆

畫山水障

明周用

屋下得萬里黯澹費神力自君眼光遠豈復在丹墨長
風落微波孤月中夜直赤縣復可置何得愛四壁此路
達京華江湖猶旅食我有懷中書為附南飛翼

曹民部藏何太守山水障歌

明祝允明

蒼煙橫晚江江樹不可辨遠山號國猶近山鬢不變誰

將元氣夜半翻凌亂少陵好東絹幽人絕流一葦航應
恨可人不相見千邛萬落路不通恐有閉門忘世翁孔
明漸老安石臥誰為蒼生起臥龍須臾雲樹開蒼茫始
識九疑分瀟湘良工出自何水部妙思已落陳思王陳
思王今葛謝袖中脩脩有造化蕭齋晏坐對圖畫時發
雲霖潤天下

題陳道復谿山障子

明王寵

天台秀出鴈蕩峰削壁飛泉如白龍跳珠散落四時雨

偃蓋反走千尋松陰崖複洞絕地脈明湖玉鏡開天容
山深或聞虎兕鬪日落但有漁樵逢陳郎不減阮嗣宗
雲霓卷曲蟠其胸黃公壚頭枕麪卧蹶起埽出金芙蓉
高山流水有深意却思荷蕢還山農

題山水障

明李汛

王孫妙思奪化工儘收丘壑藏心胸醉來傾倒玉壺墨
灑向鸞溪作秋色濕雲初起山翠新回風不斷波鄰鄰
石梁煙外轉蕭瑟薜蘿掩映幽人宅逍遙二老晚風餘

沿溪散步飄輕裾翩然與鶴立松下騁歸當年避秦者
人間舊路杳無蹤雲深不遣漁郎通君不見秦家鹿走
楚蛇斷滄海桑田幾興歎惟有仙源歲月賒碧桃未落
秦時花

題山水畫障

明杭濟

斷岸橫舟山日陰人家散居楓樹林江煙萬里破孤暝
江波倒影天沈沈短渚長沙渺無極木葉吟風動蕭瑟
驚鳬歷亂飛盡空坐見遙岑送秋碧

題董生春山障子

贈朱金吾

明王穉登

董生留我子雲亭
畫盡春山酒未醒
贈與侯家金屋裏
美人筵上鬪睂青

御定歷代題畫詩類卷二十二



總校官庶吉士臣侍朝

校對官編修臣裴謙

謄錄舉人臣董凝極

欽定四庫全書薈要

集部

御定歷代題畫詩類卷二十三
四

欽定四庫全書薈要

御定歷代題畫詩類卷二十三目錄

山水類

崔駙馬宅詠畫山水扇

唐梁鉉

題郭熙山水扇

宋黃庭堅

題惠宗畫扇

宋黃庭堅

題宗室大年畫扇

宋晁補之二首

次韻送畫山水扇與張次應

宋晁說之

晁無咎畫山水扇

宋陳師道

酬劉巨載舍人見贈所畫山水扇

宋僧道潛

扇圖

金許古

題山水扇

元劉因二首

題山水便面

元程鉅夫

聶空山畫扇

元虞集

題趙千里山水扇面歌

元楊載

畫扇

元張憲

題扇上畫

元陳深

題畫扇

元貢性之四首

趙千里便面上寫山次伯雨韻

元鄭元祐

題宋高宗畫扇頭

元鄭東

趙千里扇上寫山用鄭山人韻題

元倪瓚

題松雪扇畫

元唐肅

題山水扇面

元張天英

題堵炳所畫扇面山水

明劉松

扇上畫 明楊基二首

題畫扇面 明王恭

山水便面 明管訥

題扇 明陳絳二首

題扇 明王達

扇面小景 明郭蘄

山水便面 明李勗

次韻題便面小景 明謝鐸

題沈恒吉畫扇

明陳寬

項進士便面

明王弼

為人題便面

明葉元玉

扇畫

明許相卿

為茂通題畫扇

明陳璽

題畫扇

明王景彰

鄭大有山水扇

明羅泰

扇景

明俞暉

題畫扇

明李承芳

題畫扇

明李日華十七首

與沈翠水論繪事因題所畫便面

明李日華

題墨山圖扇

明僧明秀

題小景

宋杜本

題湖曲小景

元袁桷

溪居山水小景

元張翥二首

題應中父所藏陳仲美山水小景

元楊載

山水小景

元鄭韶二首

雲山小景

元黃鎮成

為所性姪題小景

元歐陽玄三首

題山水小景雜畫

元傅若金四首

題畫小景

元王翰

小景

明韓宜可

題小景圖

明林鴻

小景

明吳子莊

為楊學士勉仁題小景 明金幼孜

題畫小景 明童軒二首

題小景 明丘濬三首

小景 明劉泰三首

題小景 明陳煒

題小景 明程敏政

題小景雜畫 明程敏政二首

題小景 明沈周

谿亭小景

明沈周

畫景

明屠僑

小景

明廖道南

題小景

明陳璽二首

重題自畫小景

明居節

題畫小景

明李汛三首

題畫中小景

明樊昌

小景雜咏

明蕭顯二首

題小景

明呂淵

題雲深處小景

明陳琛

題畫小景

明僧澄印三首

欽定四庫全書舊要卷一萬九千一百三十一

集部

御定歷代題畫詩類卷二十三

山水類

崔駙馬宅詠畫山水扇

唐

梁 鉉

畫扇出秦樓誰家贈列侯
小含吳剡縣輕帶楚揚州
揜作山雲暮搖成隴樹秋
坐來傳與客漢水又迴流

題郭熙山水扇

宋

黃庭堅

郭熙雖老眼猶明便面江山
取意成一段風煙且千里

解和明月逐人行

題惠崇畫扇

宋 黃庭堅

惠崇筆下開江面
萬里晴波向落暉
梅影橫斜人不見
鴛鴦相對浴紅衣

題宗室大年畫扇

二首

宋 晁補之

柳動燕初來
波生鴈將去
惟有小松高
蒼蒼自如故
王孫蘊奇意
紈素澹雲煙
借與王摩詰
含毫思邈然

次韻送畫山水扇與張次應

代馮宗元禮

晁說之

五日十日豈為工萬壑千巖自絕蹤
在握已能霄漢上更須羣玉占前峰

晁無咎畫山水扇

宋陳師道

前生阮始平今代王摩詰偃屈蓋
代氣萬里入方尺朽老詩作妙險
絕天與力君不見杜陵老翁語湘
娥增悲真宰泣

酬劉巨載舍人見贈所畫山水扇

宋僧道潛

冰紈玉粉淨無塵墨妙扶疎更絕
倫試問揮毫底人物

不言從可識天真

扇圖

金許古

雲壓溪堂小雪春融融和氣浥輕塵
山禽共作梅花夢物性由來嬾是真

題山水扇

二首

元劉因

山近雨難暗樓高秋易寒憑誰暮雲表
添我倚闌干二山環合一水中有老木參天
不著幽人草閣誰收無限雲煙

題山水便面

元程鉅夫

煙水冥迷山遠近
高山臨水更清寒
畫樓迴倚風前構
商舶遙從海嶠還
雲起亂峰生巧思
鳥飛殘照入遐觀
生綃盈尺無窮意
誰識經營慘淡間

聶空山畫扇

元虞集

客來山雨鳴礮客
去山翁醉眠花外晴
雲靄靄竹邊秋月娟娟

題趙千里山水扇面歌

元楊載

公子丹青藝絕倫喜畫江山上紈扇祇令好事購千金

四幅相連成一卷春流漠漠如江湖飛煙著樹相有無
嵐光注射翻長虛白玉盤浸青珊瑚追隨流俗轉蕭疎
對此便欲山林居旗亭花發酒須沽舟行為致雙提壺
抱琴之子來相須醉歸不省何人扶旁有飛泉出巖隙
掣電飛霜相盪激蛟龍不愛鯢桓食但見垂綸古盤石
人生萬事無根柢出處行藏須早計一丘一壑儻如斯
便可束書從此逝君不見鄭子真躬耕谷口垂千春毫

芒世利能沒身汝胡齷齪為庸人

畫扇

元 張憲

渴龍飲清江江水皆倒立風雨滿山來石楠半身濕

題扇上畫

元 陳深

古木排山立幽牕傍水開直疑林處士獨櫂小舟回

題畫扇

四首

元 貢性之

三間兩間茅屋五里十里松聲如此山中景色何時共
我同行

萬事從教計拙千金難買身閒船尾都教載酒船頭飽
看青山

鴨觜灘連溪尾羊腸路轉山腰雲氣晴晴雨雨泉聲暮
暮朝朝

綠樹灣頭釣艇青山凹裏人家前度劉郎去也莫教流
出桃花

趙千里便面上寫山次伯雨韻

元鄭元祐

宋諸王孫妙盤礴萬里江山歸一握卷藏袖中舒在我

清風徐來穀衣薄文采於今淪落餘雕闌玉砌淒煙蕪
寶玉不隨黃土化門上空啼頭白烏

題宋高宗畫扇頭

自題云萬木雲深
隱千山雨未開

元 鄭 東

多時海上日光催猶道千山雨未開總為浮雲能障斷
龍沙不見翠華回

趙千里扇上寫山用鄭山人韻題

元 倪 瓚

誰見解衣作盤礴卷懷雲煙歸掌握春雨冥冥江水波

竹間日暮衣裳薄零落王孫翰墨餘越王臺殿久荒蕪
要知人好畫亦好愛比當年屋上烏

題松雪扇畫

元唐肅

層巒拂空青縣瀑注銀漢參差觀閣聳蒼蔚林木絢漁
歌浦外聞人影溪中見陟險思攀蘿紀行憶書翰塵遠
地無喧景多情益戀方戀鳳鸞吟勿貽猿鶴怨

題山水扇面

元張天英

一握方諸鏡裏天分明鴈蕩石城連仙人不患蓬壺小

便駐鸞笙五百年

題堵炳所畫扇面山水

為李鴻漸賦

明 劉 崧

紫崖碧嶂連雲樹白石青莎並江路
采樵客去洞門深
出郭人歸煙水暮
兩崖之間高且虛
有亭翼然誰所居
山花當戶可載酒
芳草滿庭宜讀書

扇上畫 二首

明 楊 基

雨歇見青山
菰蒲第幾灣
鷗來又飛去
只有釣舟閑
江遠愛山低
沙虛覺樹危
靜中誰共賞
橋上立多時

題畫扇面

明王 恭

山空水雲淨月出洲渚白寒葦梳幽風孤蓬逗秋色垂
綸久忘魚擊汰非干澤終愧坐磻溪皓首釣人國

山水便面

明管 訥

宣和便面何從得畫史當時屬有才紫翠峰巒天上落
青紅樓閣樹頭開羣賢似向蘭亭會一老疑從栗里來
安得從容隨杖履輕舟日繫水雲隈

題扇

二首

明陳 綱

五湖煙水綠生波一葉扁舟鼓枻歌遙想故園戎馬後
千章喬木已無多

秋風吹上老漁船蓴菜鱸魚味自便對此雲山無限好
不須圖畫入凌煙

題扇

明王達

葉暗前朝雨花飛昨夜風空山人不見春在綠陰中

扇面小景

明郭廔

孤琴引興青山墅山月蒼蒼鳥聲曙高風一段不可攀

從憶陶潛賦歸去

山水便面

明
李勛

峰巒迢遞水微茫
葭葦連天鴈噉霜
髣髴湘南舊行路
短篷秋色近斜陽

次韻題便面小景

明
謝鐸

空山收網雨收簑
忽聽中流款乃歌
莫是晚來風色好
片帆歸去已無多

題沈恒吉畫扇

明
陳寬

紅樹丹山領去舟
蘋花香老不勝秋
滄江風月誰人管
且向前汀問白鷗

項進士便面

明王弼

天光低碧暮寒浮
峰色紆青晚入樓
長憶清秋過上竺
歸來明月滿湖頭

為人題便面

明葉元玉

杖藜信步過橋東
幾片飛花隔柳紅
指點前頭更清致
遙山一抹淡煙中

扇畫

明 許相卿

遠路歸來已白頭，豐厓猶似舊時秋。
長藤短褐行吟處，不道山翁是故侯。

為茂通題畫扇

明 陳璽

亂木蕭蕭楓葉酣，扁舟閒釣五溪南。
屋頭嶺瘦杉如戟，長嘯一聲煙水藍。

題畫扇

明 王景彰

二儀開混沌，一氣蘊精靈。
石乳通龍井，天風老鶴汀。
江

山自吳楚塞宇際滄溟便欲拋塵俗尋真向草亭

鄭大有山水扇

明羅泰

憶昔移舟上建溪亂山晴翠望中迷一聲長嘯天風冷
百六灘頭月欲低

扇景

明俞暉

數點白鷗遠近明蓼花汀沒釣臺橫得魚未愜歸舟趣
坐看桐江月漸生

題畫扇

明李承芳

巖石雲封道士家
滿谿青桂落寒花
山童停帚那能掃
也愛殘香醉露華

畫扇

明
李日華

春江初汎蒲萄綠
鷺自翻飛鷗自浴
煙消月落早潮平
山影沈沈壓漁屋
笑拈此景付詩翁
曾向嚴灘五番宿

題畫扇

明
李日華

遠巒醞雨候近塢
饒雲蹤偃仰氣候
變開斂隨羣峰渚
煙接縹緲山姿弄
春容拂石北靜坐
聊以蠲心胸

題畫扇頭米山

明
李日華

沙鳥去已盡
江流寒更清
雲橫日落處
一片楚峰晴

題扇

三首

明
李日華

山中無一事
石上坐秋水
水靜雲影空
我心正如許
古木千章落
蔭平湖一片
無埃
山中誰共
六月白鷗朝
暮飛來

木落皋亭
悵望空山
樵隱隱隔
芙蓉汀煙
野靄秋來
淨
正見當年
黃鶴峰

題畫扇

明
李日華

黛色籠從樹影齊
石臺瑩滑淨無泥
橋橫斷岸猿兼渡
寺隔重雲鳥亂啼
漠漠濕衣松下雨
潺潺到耳竹邊溪
人間六月消何處
萬壑清風葛嶺西

題贈馮雲將畫扇

明
李日華

一片蘼蕪鳥去雙
樹中高閣俯澄江
夢回不信秋期近
水影頻香正入牕

題畫扇

與陸
伯承

明
李日華

雨後溪聲吼似雷
高樓倚醉想銜杯
斷橋秋色無多遠
只隔蘼蕪綠幾堆

題畫扇

明
李日華

竹光浮硯春雲活
花氣薰衣午夢輕
寫得米家江上意
蘼蕪細雨正含情

畫沈明允扇

明
李日華

秋林薄處見山巔
霜樾煙柯指顧便
小作沙坳容野艇
空明留與白鷗天

為馮權奇畫扇

明 李日華

高閣崔嵬翠靄重千巖樹色隱簾櫳魚驚澗影新秋月
猿落松梢半夜風瓦枕石牀詩夢澹神輿尻馬意游通
山中莫漫輕相識除却真仙即此翁

畫扇

與蕭
歷室

明 李日華

蘋香沙鳥共山影釣絲牽何處堪攤飯江南鏡裏天

題畫扇

與丘
伯畏

明 李日華

葛蔓繁牽竹粉殘一籬花影掩松關摩挲睡眼無些事

自寫江南秀絕山

畫沈白生扇

倣郭河陽
晴原晚照

明

李日華

複嶺紆迴處人家煙樹重徑微樵子到溪靜鹿麋逢歲
節占芳草晨昏聽遠鐘不須尋谷口已遣白雲封

題畫扇

與松
雨

明

李日華

沙樹葉葉雨溪橋面面峰道人行履處只信一枝筇

畫吳赤含扇

明

李日華

野橋新雨足夏木轉多陰欲就迎涼處時為散髮吟月

來湖空濶風入樹蕭森一倍添幽賞溪山稱此心

與沈翠水論繪事因題所畫便面

明李日華

煙沙漠漠夕陽餘野樹酣霜水溜渠何處秋光閒入夢
琵琶亭子對匡廬

題墨山圖扇

明僧明秀

遠嶼孤煙起林亭落日虛青山半江影竹裏照殘書

題小景

宋杜本

秋雲滿地夕陽微黃葉蕭蕭鴈正飛最是江南好天氣

村醪初熟蟹螯肥

題湖曲小景

穆陵御
題詩句

元表
楠

流水無言寂寂落花有意氤氲往事空餘華屋倚闌愁
絕江南

溪居山水小景

二首

元張翥

想像溪居好時來放釣船滄洲茅屋路春水白鷗天林
壑無多地煙霞自一川底須論咫尺到此已茫然
何處野人村微茫澗谷分林多太古樹山有四時雲鳥

跡還成道猿啼或作羣秋風茅屋破誰賦隱思君

題應中父所藏陳仲美山水小景

元

楊載

層巒疊嶂倚晴空松檜相連秀色同下有幽人茆屋在
浩歌宜屬紫芝翁

山水小景

二首

元
郝韶

西風木落曉猿驚一水東流日夜聲兩岸青山看不盡
扁舟又過楚王城

扁舟晚泊洞庭西江草江花岸岸齊却過白龍祠下去

兩邊楓樹鷓鴣啼

雲山小景

元黃鎮成

飛瀑潺潺瀉碧岑
野橋分路入雲深
三椽草屋長松下
應有先生抱膝吟

為所性姪題小景

三首

元歐陽玄

林廬澹疎煙歸帆泊沙渚
披圖得空濶總是經行處
寒屋茆簷古疎煙野樹春
遙遙濟川者應是此中人
浦口歸帆落沙頭行客回
林間酒旗出快著一篙來

題山水小景雜畫

四首

元 傅若金

空村斷行跡深雪連昏暮
慘淡既平岡坡陀復盈路
時聞一樹折猶見羣鳥去
中有映書人柴扉對何處
江白雲稍歸山青樹如沐
輕舟漁石渚獨騎經林麓
野氣昏已明泉聲斷猶續
坐憶汎湘時村西見茅屋
雲歸山欲暝月出泉相映
石影生夜寒松聲起僧定
遙疑露下立或發風中詠
幽境何闌寥長廊罷鐘磬
盤盤蒼山根泉石如素練
含風靜復響觸石驚相濺
竹

迴秋氣來松涼夏陰轉山翁閱妙理獨立無人見

題畫小景

元王翰

萬籟秋聲近雙峰宿靄收江涵林影碎野接曙光浮
蘿薜連書幌鶯花避釣舟由來揚子宅寂寞閉丹丘

小景

明韓宜可

春色來何處桃花路欲迷為言垂釣者中有武陵溪

題小景圖

明林鴻

林木疎疎小徑分石泉嵐氣絕塵氛抱琴野客歸何處

閒却松牕半榻雲

小景

明
吳子莊

杖藜日日看芝山山下浮雲共往還
昨夜小溪新水漲
釣船流到寺前灣

為楊學士勉仁題小景

明
金幼孜

積陰生巨壑飛翠落崔嵬古木雲蘿暗
蒼厓雪瀑開幽
人揮麈坐穉子抱琴來
想有登臨興看圖日幾迴

題畫小景

二首

明
童軒

山色青於染茅堂背郭成陰陰喬木裏疑有讀書聲
家住清溪口門掩清溪樹溪上多白雲幽人自來去

題小景

明丘濬

石橋流水碧潺湲千樹桃花萬疊山漫道仙家有靈藥
看來終不似人間

小景

二首

明丘濬

獨坐空山萬慮忘時從林隙見天光白雲滿地紅塵少
覺得閑中意味長

行過山邊又水邊
眼中非樹即寒泉
囊琴漫遣樵青抱
流水高山不在絃

小景

三首

明劉泰

隔岸峰巒過雨新
桃花水暖碧粼粼
誰家艇子閑來往
只載春光不載人

綠樹陰陰覆野亭
綠波漾漾沒沙汀
短簾記得尋幽處
一路鶯聲酒半醒

雲溪一帶淨無沙
門對青山是我家
兩日不來亭子上

東風開過紫藤花

題小景

明 陳煒

深沉門巷隔煙霞
路出重關一徑斜
江上小舟如載酒
定應來訪子雲家

題小景畫

明 程敏政

青山佳處絕纖埃
草綠裙腰一徑開
不是煙霞有深癖
水邊林下肯同來

題小景雜畫

二首

明 程敏政

綠樹蕭然蔭草亭酒船安坐蓼花汀分明一夜溪頭雨
洗出春山數點青

小亭斜枕石溪濱長夏空山草木薰風雨忽來歸去晚
櫓聲搖碎一川雲

題小景

明沈周

江山入吾興隨筆散清華峰影分斜日波容映落霞無
橋通市迹有樹隱人家此地如堪買分畦擬種瓜

谿亭小景

明沈周

幽亭臨水稱冥棲
蓼渚沙坪咫尺迷
山雨乍來茅溜細
谿雲欲墮竹梢低
檐頭故壘雌雄燕
籬脚秋蟲子母雞
此段風光小韋杜
可能無我一青藜

畫景

明屠僑

白石橋西綠竹林
青松亭外白雲岑
何人閒睡三萬日
鳬鴨碧波江水深

小景

明廖道南

高樓斜倚石城傍
遠浦歸帆帶夕陽
遙望小橋來使節

雙龍劒氣燭星光

小景

明 陳璽

詩思濃於酒 山容碧似苔 美人清不寐 撐出小舟來

題小景

明 陳璽

細雨著苔黏履齒 白雲飛樹挂山頭 扁舟直放武陵去
滿地秋聲人倚樓

重題自畫小景

明 居節

點染青山四十年 寸縑不改舊風煙 散人漫竊江湖號

未買松江一釣船

題畫小景

二首

明
李汎

半山殘照明秋水一徑清風吹落花林杪雞聲煙外艇
不成邨落雨三家

寒飄雪色餘千嶂凍合溪流接兩涯何處行人迷去路
山亭恰好見梅花

題小景

明
李汎

何人結屋倚松根一片涼雲午乍屯我欲相期來避暑

薰風時聽翠濤翻

題畫中小景

明 樊 昌

扶桑日出光瞳眈
千門萬戶開春風
祥雲帶雨從龍去
朝朝暮暮飛天東
瀛洲弱水知何處
高人只在蓬山住
山中遊人歸未歸
江上扁舟自來去

小景雜咏

二首

明 蕭 顯

木脫青山下亭開
翠水涯孤舟蕩雙槳
何處訪相知
碧樹俯清流
高人愛獨坐
讀罷發長吟
不知斜日墮

題小景

明 呂淵

綠樹橋頭路轉迴
水光山色映樓臺
扁舟蕩入荷花裏
知是遊人避雨來

題雲深處小景

明 陳琛

是處山深雲更深
憑誰說與總無心
全因俗客都迷路
時為蒼生欲作霖
靜映方塘惟數畝
高臨絕壁亦千尋
優游更逐南溪水
流向人間覓賞音

題畫小景

三首

明 僧澄印

流雲覆春山輕寒凍欲圻何處蹋青來歸時月華白
煙樹春雲綠江天落日紅不知何處醉歸向月明中
風雨孤舟夜微茫草樹春茅簷驚犬吠定是渡江人

御定歷代題畫詩類卷二十三

欽定四庫全書薈要

御定歷代題畫詩類卷二十四目錄

山水類

題詩約畫軸

宋陳與義

題畫

宋陳與義

題謝艮齋畫筭

宋王炎四首

戲題畫卷

宋程俱二首

題畫卷

宋范成大五首

題畫 宋葉盛

記畫 宋方岳

題畫 元蕭國寶

種筆亭題畫 元高克恭

題畫 元傅若金

題畫 元吳鎮九首

題畫 元黃公望

題畫 元薩都拉二首

題畫圖 元陳旅二首

題畫 元貢師泰

題拙作小圖 元朱德潤

題畫圖 元杜本

題畫 元李祁九首

題畫 元陳高

題畫 元張憲二首

題畫 元鄭韶

題畫

元貢性之十一首

題畫

元倪瓚七首

次韻題畫

元華幼武

題畫

元丁鶴年二首

題畫雜詩

元馬臻十一首

題畫卷

元馬臻四首

題畫

元唐肅十九首

題畫

元陳植

題畫

元鄭允端

欽定四庫全書

卷二十四目錄

欽定四庫全書薈要卷一萬九千一百三十二

集部

御定歷代題畫詩類卷二十四

山水類

題詩約畫軸

宋

陳與義

日落川更濶煙生山欲浮舟中有閑地載我得同遊

題畫

宋

陳與義

分明樓閣是龍門亦有溪流曲抱邨萬里家山無路入
十年心事與誰論

題謝艮齋畫筭

四首

宋王炎

團蒲曲几自支頤，
領略江山入坐隅。
若使右丞知此畫，
定當閣筆輟川圖。

萬點青山一曲溪，
門闌疑是辟塵犀。
筆端更有詩中畫，
細細冥搜為品題。

熟視天機日日新，
無邊物色盡橫陳。
從教巧手立摹寫，
粉墨何能更逼真。

玉軸錦囊無此景，
何年天巧出丹青。
艮齋收得供詩眼，

勝看鸞臺十二屏

戲題畫卷

二首

宋程俱

五載京塵白鬢鬚，丹青遐想寄衡巫。
如今埽迹長林下，却對真山看畫圖。

胸中雲夢本無窮，合是人間老畫工。
常恨無因繼三絕，倩人拈筆寫胸中。

題畫卷

五首

宋范成大

鑿落秋水石，明高楓老柳。
雨灘橫君看，疊巘雲容變。

又有中宵雨意生

敲傾棧路繞山明
隔隴人家犬吠聲
無限白雲堆去路
不知誰識許宣平

春陰十日溪頭暗
夜半西風雨脚收
但覺奔霆吼空谷
遙知萬壑正爭流

暑雲潑墨送驚雷
坐見前山驟雨來
今夜一涼千萬里
更無焦卷與塵埃

秋晚黃蘆斵岸
江南野水連天
日色微明魚網
鴈行飛

入蒼煙

題畫

宋 葉盛

綠樹青山漾碧流
畫中風景似揚州
隔江明滅漁人火
出岸高低估客舟
去燕來鴻千古事
閑花野草一春愁
不知誰在紅塵外
獨向蕃釐觀裏游

記畫

宋 方岳

閑雲古木山藏寺
野渡孤舟水落磯
秋色無人空黯澹
竹門未掩待僧歸

題畫

元 蕭國寶

半山蒼靄鑲招提
托宿僧寮路更迷
惟有曉鐘遮不斷
數聲吹落小橋西

種筆亭題畫

元 高克恭

積雨暗林屋
晚峰晴露巔
扁舟入蘋渚
浮動一谿煙

題畫

元 傅若金

迢遞雲山隔遠溪
微茫煙水帶長隄
秋來木葉多搖落
日暮寒鴉不肯棲

題畫

九首

元吳鎮

草堂仍著薜蘿遮
地僻林深有幾家
莫道春風吹不到
門前依舊鳥銜花

紅蘭杜若滿汀邊
煙際平林似輞川
安得寬閑如此地
看山坐老夕陽船

巖壑春深萬綠齊
隔林黃鳥盡情啼
山翁不記燈前語
為約紅樓試品題

灌木蒼藤護草堂
流泉汨汨遶漁梁
書聲遙送斜陽裏

誰道空山白晝長

清霜搖落滿林秋
漠漠寒雲天際流
山徑無人擁黃葉
野塘有客漾輕舟

萬木凋殘衆嶺寒
誅茅棲息易為安
朝來猶有尋幽者
不畏崎嶇磴百盤

千仞顛崖勢欲傾
飛流濺眼雪花明
長風卷入層雲去
都作天台暮雨聲

雨歇重林煙樹濕
風來虛閣晚牕涼
幽人倚遍闌干久

始識山中興味長

憶昔相逢武水頭
行行送上木蘭舟
遙憐落日清溪上
野色風聲幾許愁

題畫

元
黃公望

茂林石磴小亭邊
遙望雲山隔澹煙
却憶舊遊何處似
翠蛟亭下看流泉

題畫

元
薩都拉

樹色濃堪掬癡嵐
撲雨秋道人巖下
住屋角挂奔流

題畫

元薩都拉

綠樹陰藏野寺白雲影落溪船遮却青山一半只疑僧
舍茶煙

題畫圖

二首

元陳旅

青紅樓觀護煙霞湖曲高亭竹逕斜日出炎埃生九野
松陰水石養苔花

雨餘空翠轉霏霏杜若洲邊小艇歸久為故人臨野閣
江雲日暮濕秋衣

題畫

元貢師泰

樓閣參差煙水邛涼風榭葉下紛紛何人理釣秋江上
驚起新來白鴈羣

題拙作小圖

元朱德潤

碧山高陰濔老樹立突兀嵐光凝曉候隱見蒼林密空
谷有佳人胡寧欲行役

題畫圖

元杜本

樹林翳蔚水灣環知是江南何處山數載幽并倦行役

按圖欲借屋三間

題畫

元 李 祁

石磴欹崎滿徑蹤樓前塵土日憧憧人言別有幽棲處
知隔雲山第幾重

題畫 二首

元 李 祁

浩浩滄波天四圍秋風一鶴夜來歸祇應夢裏聞長笛
知是當時舊羽衣

町畦高下水漫漫白首辛勤學種田便擬明朝結長網

與君同住浙江邊

題畫 四首

元 李 祁

山路晚蕭蕭山家何寂寥
歸人便杖屨安穩度危橋
列岫連蒼靄寒流漱石根
灣河有茅屋無路覓松門
人家住孤嶼來往盡通橋
欲見前山色寒雲晚未銷
朝見江水清暮見江水渾
網罟日日多思之誰與論

題畫 二首

元 李 祁

池塘四五尺來水籬落兩三般
樣花過客不須頻問姓

讀書聲處是吾家

望水尋山二里餘
竹林斜徑地仙居
風光何處堪消興
大學中庸兩卷書

題畫

元 陳高

華蓋羣峰鴈蕩南
斜陽雨過碧於藍
秋風八月涼堪倚
拄杖穿雲看石楠

題畫

元 張憲

晴川渺渺停春水
怪石峨峨插亂山
最愛夕陽煙樹裏

千株古木伴僧閒

題畫

元 張憲

遠岫層層何處矮
房簇簇誰家煙樹
夕陽歸鳥清溪古
渡橫槎

題畫

元 郊 韶

重岡細草覆坡陀
風引松花落澗阿
草屋雨餘雲氣濕
開門不厭好山多

題畫

元 貢性之

衆峰涵夕陰岸水澹秋色逶迤見古道蕭條少行客雖
無桃花源亦與塵世隔縱有扁舟來重尋恐難得

題畫

元貢性之

城中車馬多如雲林下相逢無一人城中甲第十萬戶
林下草堂空四鄰胡為奔走上城市歸來兩袖飛黃塵
高堂素壁忽見畫使我頓覺清心神何時此地一相就
坐席甘與漁樵分借君清澗濯雙足借君松枝懸角巾
更須長揖謝軒冕相期歲晚終吾身

題畫

元貢性之

樓倚溪頭水溪環竹外山扁舟垂釣者相對白鷗閒

題畫

元貢性之

白沙翠竹溪邊路綠樹青山郭外邨釣艇直隨流水出
僧鐘遙隔暝煙聞謾誇李愿居盤谷絕勝龐公隱鹿門
如此故鄉歸未得看君圖畫一消魂

題畫

元貢性之

琳館依珠樹青山走游龍水流疑動石雲低不礙鐘將

尋采芝侶於此謝塵蹤

題畫

四首

元貢性之

風來水面綠生波
雲淨山頭翠擁螺
白鳥驚飛背人去
一聲何處采菱歌

山接天台路萬重
仙家樓閣杳難通
不知昨夜溪頭雨
流出桃花幾許紅

此生無夢到京華
到處谿山即是家
昨夜石橋新過雨
錯教劉阮認桃花

擾擾黃塵沒馬鞍
幾人消得此中間
綠陰清晝深如水
飽看溪南雨後山

題畫

元
貢性之

牕戶碧玲瓏
看山面面通
樹涵雲外雨
涼度水邊風
淪茗嗔童嬾
揮毫對客雄
笑談如著我也
入畫圖中

題畫

元
貢性之

月明風靜夜如何
船向三江七澤過
涼影滿篷成獨坐
半聽楚調半吳歌

題畫

元倪瓚

橘牕春夜雨潺潺剪燭裁詩畫碧山
近水定侵林下路
蕙花委砌石苔斑夢來艇子清江濶
坐聽橈聲暗相撥
未必漁翁似我閒棹歌不待鳴鳩聒

題畫

元倪瓚

甫里林居靜江湖遠浸山漁舟衝雨出
巢鶴帶雲還漉
酒松肪滑敷茵楮雪閑春風一來過
似泊武陵灣

題畫

三首

元倪瓚

樓閣參差霞綺開
峰巒重複水縈迴
赤欄橋外垂楊下
步月吹笙向此來

長江秋色渺無邊
鴻鴈來時水拍天
七十二灣明月夜
荻花楓葉覆漁船

青山矗矗水舒舒
相見郊原霽雨初
絕似三高亭上望
人家依約樹扶疎

題畫 二首

元倪瓚

罨畫溪頭喚渡銅
官山下尋僧水榭
汀橋曲曲風林雲

磴層層

舟泊溪流曲曲鳥啼煙樹重重獨思白鶴遺址好居五
老雲峰

次韻題畫

元
華幼武

海石涵秋水風篁生晚涼孤蓬初歇雨和月度瀟湘

題畫

元
丁鶴年

荒荒野日低漠漠江雲冷喬林延暮光澄波浴秋影高
人千載懷乾坤一漁艇

題畫

元 丁鶴年

江樹青紅江草黃好山不斷楚天長雲中樓觀無人住
只有秋聲送夕陽

題畫雜詩

十一首

元 馬臻

輕紅淺碧爛斑濕複水重山共春色憑誰喚起鄭廣文
白髮相看話胸臆

山吐白雲雲吐山屋木淡靜天機閒洪荒古意畫圖在
安得著我茅三間

四山莽蒼迷行路曉寒壓折槎桺樹竹屋柴門晝不開
疑是袁安讀書處

岸水依痕釣艇閒炊煙幾處出蘆灣西牕正是斜陽好
一帶泥金抹遠山

江上白雲連岸起路邊山杏出籬開片帆知傍誰家宿
春色還從萬里來

山水蒼寒起煙霧客船繫在沙邊樹却如昔日壯遊時
揚子江頭卸帆處

月華如水天如空
蒼煙遠樹涵秋容
筆頭墨盡意不盡
參錯雲山三四重

數點寒鴉水遶邨
幾家茅屋掩柴門
白頭溪叟歸來晚
自把漁舟繫柳根

輕雲漠漠天影空
江邨雨過生微風
似嫌野外春淡薄
故點桃花深淺紅

春陰淡蕩歸帆急
疊嶂層巒凝空碧
知是夜來風雨深
邨外野橋低二尺

生平每厭囂塵喧羨爾扁舟獨垂釣森森衆木水風涼
應有新蟬慰斜照

題畫卷

四首

元馬臻

翠疊洪濛色雲凝淡沲春高寒不可到應有採芝人
風雨撼不動亭亭萬物表憶得定回時霜鐘數聲曉
拳石蹲蒼煙踈篁依寒碧仙人筆有神山鬼為辟易
古色呈凝素幽人自造玄水窮雲起處不語看青天

題畫

十首

元唐肅

桑落洲邊憶繫船
江波江樹夢相牽
匡廬七十二峰碧
雲氣時時不露全

野叟溪郎語笑聞
松邊略約水邊門
萬山青青一徑白
騎驄正是桃花源

潮落潮生春度秋
離離煙樹不知愁
片帆輕似沙頭鷺
飛過滄江第幾洲

溪風吹冷芰荷衣
一葉船頭坐未歸
貪讀陶朱養魚訣
不知流過綠苔磯

射的峰尖鶴唳秋
若邪溪水帶花流
朝南暮北風常在
送却樵舟送客舟

蒲稗陰濃桑柘疎
分明畫出輞川漁
林泉也愛能詩者
不是王維不敢居

新晴何處覓新詩
雲白山青段段奇
三日雨添溪水響
獨於橋上立多時

重重樓閣出林下
下視黃塵十丈深
獨羨詩人行到處
萬山雲氣一囊琴

春城浪飲欲忘還興在青林白石間一片閑雲飛盡處
天教雲出隔江山

山裏白雲如白衣樓臺樹木總依稀小舟傍在溪頭石
知有采苓人未歸

題畫

九首

元唐肅

煙舫一翁垂釣霜橋兩客攜琴千重萬重山色十里五
里松陰

芙蓉峰頭雲氣桃花源裏人家好著青鞵布韉來尋石

髓胡麻

東崦樹連西崦北溪水漲南溪不管白雲流出只愁樵
徑都迷

杉桂陰中樓閣煙波淺處汀洲試過竹橋茅屋未分石
茗甕甌

穀水染成鴨綠苔峰堆起螺青散子魚跳荇穴把竿人
唱蕪汀

十峰九峰綠苔千樹萬樹笙鐘憶上雲梯石觀俯見青

天白龍

樹色不隨雲白山光似接天青但見長鏡小艇何妨田
舍漁汀

百重樹濕飛瀑千朵峰盤翠霞落日吟翁驢背輕煙漁
市人家

突兀半山樓觀依稀遠澗行人松雨晝翻漁網竹風秋
滿吟巾

題畫

元
陳植

風裏征帆驢上人前程路遠又斜曛不知有客紅塵表
閑看青山起白雲

題畫

元鄭氏

名允端

江南景風煙萬里寬金銀開佛寺紫翠出林巒遠
行役幽人賦考槃蒼茫無限意撫卷為盤桓

御定歷代題畫詩類卷二十四



總校官庶吉士臣侍朝

校對官編修臣裴謙

膳錄舉人臣董凝極

欽定四庫全書薈要

集部

御定歷代題畫詩類卷二十五

六

欽定四庫全書薈要

御定歷代題畫詩類卷二十五目錄

山水類

題畫

明朱同

題雜畫

明高啓十二首

為外舅周隱君題雜畫

明高啓二首

題畫

明張羽五首

題畫

明徐賁二首



題畫 明王行二首

題畫 明周砥

題畫卷 明張適

題畫 明管訥

題畫 明杜環

題畫 明凌雲翰

題畫 明李延興

題畫 明錢子義

題畫 明潘子安

題畫 明史謹

題畫 明方孝孺

題畫 明姚廣孝

題畫 明楊榮

題畫 明胡儼

題畫 明李孝謙

題畫 明錢復亨

題畫

明朱純

題畫

明陳延齡二首

題畫

明徐有貞二首

題畫

明姜洪

題畫

明陳憲章二首

題畫

明倪敬

小畫

明王越

題畫

明張寧

題畫 明丘濬

題畫 明劉溥

題畫 明姚綬

題畫 明張泰

題畫 明姚綸

題畫 明桑悅

題畫 明莊昶

題畫 明張弼三首

題畫 明賀欽

題畫 明樊阜

小畫 明屠勲

題畫 明周瑛四首

題畫 明吳寬十首

題畫 明林俊

題畫 明陳桂

題畫 明邵寶

為甯菴題畫

明邵寶

畫圖景

明蔡清

題畫作

明鮑楠

題畫

明蔣冕

題畫

明沈周十一首

題畫

明雷鯉九首

雜題畫景

明祝允明三首

題畫

明許天錫二首

題畫

明唐寅十四首

題畫

明俞泰

題畫

明孟洋

題畫

明陸深

欽定四庫全書薈要卷一萬九千一百三十三

集部

御定歷代題畫詩類卷二十五

山水類

題畫

明 朱 同

紫陌紅塵沒馬頭
人來人去幾時休
誰家有酒身無事
長對青山不下樓

題雜畫

十二首

明 高 啓

空山萬株木
靄靄秋多晦
屋在白雲中
人歸白雲外

欲尋江寺僧渡口孤帆發落日浦風生不畏春潮濶
叢蒲亂石間水急魚難罩欲去向殘陽看山一停棹
風急楚江波佳人罷采荷離舟孤宿處淚少夜猿多
孤柳影婆娑路入秋溪暮誰家擊榜來應待歸人渡
驢影夕陽催空山不見梅愁腸如客路一日幾縈迴
夕陽數峰遠靄靄江南思煙外有鐘聲山僧獨歸寺
橋迴綠水斜春樹隔雲霞隱處誰云淺千峰只一家
日出溪霧黃風迴不成雨何處趁墟人侏僂並沙語

遠岫淡煙光斜陽在釣航衆漁歸已盡獨自過寒塘
柳葉散空塘菊花明廢苑日暮問垞南舟行何近遠
山禽欲定棲竹風苦難靜殘雪墮驚梢脩脩一牕冷
為外舅周隱君題雜畫 二首 明 高 啓

斜陽傍釣船秋色滿江天
騁歸吾家近沙邨落鴈邊
山深嵐氣寒高齋掩牕坐
林間蹋葉聲知有樵人過

題畫 五首

明 張 羽

嵐深山影寒樵響不知處
綠樹早鶯啼千峰一家住

孤邨翳餘景涼颼灑空谷斜日淡煙蕪坐看千里綠
種菊人未還天香滿林樾孤邨雲氣深微雨灑初歇
凍樹僵挺挺湖山雲飛冷却有推蓬人茶香夢初醒
看山却勝看畫聽泉何殊聽琴賸得雲林雅趣且憑泉
石清吟

題畫

明
徐賁

嶼鳥鳴孤影汀蘋淡素香曉來江上樹葉葉是新霜

題畫

明
徐賁

樵林夜鳴楓葉僧扉寒掩蘆煙夢裏秋山十二不知何處雲邊

題畫

二首

明王行

濃翠幕晴巒春山古寺閒鳥啼花落處曾共扣禪關
晚岫含殘日寒波蕩遠空層闌人獨倚秋思渺無窮

題畫

明周砥

水濶天低欲盡頭柳花如雪暗歸舟平生解識滄洲趣
何處飛來雙白鷗

題畫卷

明張適

青山歷歷樹重重寺在雲深第幾峰
比屋人家西崦下夕陽長聽講時鐘

題畫

明管訥

柴門春盡動鷗波樹色山光雨後多
老去無官長自在醉眠江閣聽漁歌

題畫

明杜環

每愛江山趣停杯看畫頻千峰青不斷
萬里碧無垠雲

樹參差晚鷗波浩蕩春扁舟何處客飄泊正愁人

題畫

明
凌雲翰

山雨忽開霽溪流繞茅屋時有濯纓人雲端看飛瀑

題畫

明
李延興

山翠浮空初過雨山麓晴雲散芳渚霧合長林生曉寒
人家更在林深處澗泉六月翻松根石洞千年隱仙侶
有誰共奕橘中來無人問路桃源去白煙遮盡青林花
野藪嫩香應可茹清幽不減山之陰只欠蘭亭列觴俎

誰乎寫此怪而奇
莽莽雲山入毫楮
細看猶有遺恨處
胡不著我山之墅
我生本是丘壑姿
誤落京塵幾寒暑
小時畊牧峴山陽
間從野人學種樹
門前魚浦啼竹禽
屋上鶴巢走松鼠
獨行採藥日暮歸
纔得芝朮一斗許
縱令服食不得仙
何若長年藝禾黍
小邨秋晚雞正肥
大甕春浮酒新煮
老翁醉舞兒子歌
笑語諠譁忘賓主
此樂不見十許年
兵火煌煌照南楚
思歸見畫萬感生
悵望風颿橫浦溆
時清即好謝官歸
全家移向山中住

題畫

明 錢子義

夕陽淡淡柳絲絲
遠浦長天欲暝時
腸斷楚山春雨後
鷓鴣啼向女郎祠

題畫

明 潘子安

岷峨雪消春水急
瀟湘雨餘雲樹濕
迢迢翠嶼孤鶴迴
湛湛珠宮老蛟泣
征帆數點風濤中
出沒不計天西東
鄉關杳渺在何處
矯首遙送雙飛鴻

題畫

明 史 謹

數株煙柳綠毵毵
兩岸青山起暮嵐
多少天涯未歸客
却從畫裏看江南

題畫

明方孝孺

得意支郎畫分明
是米家亂雲浮雜樹
遠渡卧枯槎白
屋孤舟迴丹崖
一徑斜何時共漁叟
洞口訪桃花

題畫

明姚廣孝

小小板橋斜路深深
茆屋人家竹塢夕陰
似雨桃源春
暖多花

題畫

明楊榮

誰家老屋枕溪濱
十里青山半是雲
此處更無塵跡到
祇應啼鳥隔花聞

題畫

明胡儼

遙看瀑布落寒青
野服烏巾自在行
好似匡廬讀書處
滿林紅葉夜猿聲

題畫

明李孝謙

青天際遠水落日明
遙岑奮袖拂蒼石
憩此長松陰涼

飈灑露頂正可絃吾琴古調詎自秘坐惜無知音美人
隔秋水望望煙波深何當一相晤曠焉諧素心

題畫

明
錢復亨

娟娟涼風斷復連青山深處藕花邊誰家樓外停歌舞
又上西湖十景船

題畫

明
朱純

閑隨白雲遊靜對白雲語只恐出山來白雲竟無主

題畫

二首

明
陳廷齡

洞庭微雨曉生波一櫂雲山客裏過綠遍蘼蕪歸未得
東風閑唱竹枝歌

楊花如雪正殘春新水茫茫浸綠蘋桃葉桃根何處是
東風愁殺渡江人

題畫

二首

明
徐有貞

山下雲連山上溪西水接溪東舟渡白鷗飛處人行綠
樹陰中

山路只通樵客江邨半是漁家秋水磯邊落鴈夕陽影

裏飛鴉

題畫

明姜洪

碧山高樹雨初晴
風動懸羅雜鳥聲
簾幕晝垂茅屋靜
幽人何處斲黃精

題畫

明陳憲章

茅簷秋颭酒旗風
舟入蒹葭月半籠
醉睡不知家遠近
醒來依舊五湖東

題畫

明陳憲章

赤壁磯頭天欲曙
縞衣和夢掠舟西
欲尋故處何由見
長恨今人畫亦非

題畫

明倪敬

溪雲靄靄樹團團
溪上幽亭六月寒
日暮看山人已去
水禽飛上石闌干

小畫

明王越

滿屋閑雲一徑苔
眼前無處著塵埃
隔溪小天驚休吠
應是漁翁送酒來

題畫

明張寧

天空水濶饒風露，秋入溪山無盡處。
紅葉低垂隔浦霜，白鷗飛落無人渡。
蕩漾空明一釣舟，煙蓑雨笠下中流。
心情物色知多少，手展青編還自收。

題畫

為蕭考功作

明丘濬

愛此春山秀，微雲淡悠悠。
蒼松俯深澗，翠篠媚清流。
結屋者誰子，獨占雲山幽。
抱琴循側逕，引領仍歸舟。
歸舟天際來，何時經丹丘。
丹丘多羽人，為問相見否。

題畫

明 劉溥

荻花吹雪江風冷江上微雲澹山影誰將水墨染生綃
一片江南晚秋景人家住近紅葉邨紅葉照水如春源
問津有客遠相訪童子候迎先埽門隔岸分明皆橘樹
看來應是橫塘路水禽格格蹋波飛沙鴈悠悠入雲去
我別江南今十年客牕見畫心茫然明年準擬買歸棹
漫游重賦江南篇

題畫

明 姚綬

煙光漾風青入樓立馬回望湖山頭遊絲飄飄幾千丈
不繫白日增人愁春愁大半行樂少渡口桃花鏡中老
勸君盡醉如杜陵莫待春歸怨啼鳥

題畫

明

張泰

石牀幽許山靈護書閣晴當峭壁開白日高林清嘯罷
海雲飛過翠屏來

題畫

明

姚綸

風景蒼茫地人家遠近煙雲低長礙樹江濶欲浮天白

日消棋局青山落釣船平生蕭散意對此轉堪憐

題畫

明
桑悅

浮雲出沒吞遙岑小亭日日閒秋陰美人如玉不可見
松子自落空山深

題畫

明
莊泉

浮雲籠晚照野樹亦輕陰莫道無人迹春山也自深

題畫

明
張弼

大山如龍欲飛去小山盤盤如虎踞近山晴霧雨三峰

遠水微茫不知數劉君家住山之陬蒼藤古木涼陰稠
步月頻穿花裏逕看雲別起水邊樓隔林松吟含清響
古色莓苔和雨長案頭六籍時卷舒沙上羣鷗日來往
近年得志上天衢皇華四牡常馳驅道逢江陰何太守
為寫江南山水圖朝回挂向碧牕曉滿幅煙嵐靜悄悄
坐中都似舊遊蹤只欠清音一啼鳥

題畫 二首

明張弼

江上新涼霽色開綠雲深樹見樓臺老漁未肯拋蓑笠

還恐輕雷送雨來

雲杉如薺屋如蚶詰曲溪流瀉碧潭獨立小橋吟不盡
插天晴翠太湖南

題畫

明
賀欽

雲湧青山動橋橫碧澗斜幽人無俗事拄杖去看花

題畫

明
樊阜

嘉樹團團石逕分數聲啼鳥綠陰聞橋西有客耽詩癖
買徧青山種白雲

小畫

明屠勲

浦雲煙樹路盤紆白首青山興不孤我亦有亭歸未得
東風吹雨長靡蕪

題畫

四首

明周瑛

開軒望長野迢迢芳草綠持竿彼何人冒雨驅黃犢
雲影蒼樹涼雨候黃梅過明月入西軒照見幽人卧
秋水池塘深落葉亭臺晚柴門閉西日山人猶未返
風高海水立雪厚山岡折小院無人來梅花自娟潔

題雜畫

四首

明
吳寬

策杖何所適，高歌度林丘。
青山餘興在，三步更回頭。
昔觀水邨圖，長愛趙松雪。
咫尺真宛然，人家倚丘垤。
雪湖清可游，欲往乏艇子。
誰築臨湖亭，寒波動牕几。
水雲同渺然，細嶺空翠色。
憶在太湖東，弁山恨相隔。

題畫

明
吳寬

水長鷺脰蕩，口花飛鷺脰。
湖邊吳歌唱，徹歸去日暮。
青山滿船。

題畫

明吳寬

誰持畫障索我歌見畫如向江南過扁舟坐我順流去
兩岸不斷山嵯峨山中老樹青婆婆雲深難辨枝與柯
渺然一片漾微白千頃平湖生遠波想當若人作此畫
墨汁如雨流滂沱夕陽落盡板橋上何彼行客偏么麼
我生固有山水癖猶道圖畫傳來訛昨朝騎馬出城去
看山直到燕山阿千巖萬壑青不了較之江南山更多
長溪淺渚舟如梭亦著漁翁披綠蓑青簑布襪不曾辨

馬背未必愁坡陀若非塵鞅縛人住山水佳處須行窩
題詩自笑徒吟哦佳哉此圖如我何煙江疊嶂寫長句
我亦年來嫌老坡

題畫

四首

明
吳寬

雲閣青山出松厓翠瀑流悠悠三步外為爾一回頭
漁舟凍不移況有樵斧響占斷梅花灣甘為五湖長
深塢閱清暉誰知有佳寺惜哉挂帆人只愛江風利
清湍帶平岡誰使入毫素老樹四五株結茅恨遲暮

題畫

明林俊

獨屋芝草香衡門落松子輕舟泛芙蓉明月在秋水

題畫

明陳桂

老樹懸崖葉半秋草亭三面枕寒流釣船歸去斜陽盡
惟有青山對白鷗

題畫

明邵寶

近山如城人可住遠山如屏帶煙霧天際孤舟何處來
雲中指點津頭樹客至桃源花正春回首空嗟相見暮

蒼壁丹崖幾萬尋飛鳥迴旋不知路路逢樵者問山名
山深只為無名故中有青蓮今古青時向幽人一披露
馮生學畫舉業餘胸中塵土先埽除清秋此幅展向我
請我毛筆縱橫書南沙風韻杜陵老隨物賦形吾不如

為甯菴題畫

明邵寶

修竹滿舍傍長松當道周青山生白雲隱隱屋上頭出
門見溪水有橋復有舟天風作前驅時引幽人遊琴尊
侑高談興盡不强留靜遊羲皇夢閒聽堯民謳命筆書

暄涼山林有春秋獨樂得深味豈嘗抱先憂莫問此何人吾當意中求

畫圖景

明
蔡清

崇山巍巍矗天起根盤不知幾千里萬木羣然山之巔
大者明堂棟堪擬遠山其勢浸微茫雙峰直豎青雲裏
丈人結廬擅山光閒來攜杖何徜徉翹然矯首青雲外
意欲乘風至帝旁

題畫作

明
鮑楠

茆齋半食蒼巖腹老樹如蛟睨寒綠出門買得東吳船
載酒歸來江上眠剗却橫洲一千尺長將醉眼傲江天

題畫

明
蔣冕

溪山無處不春風遠近樓臺紫翠中遊客自來還自去
落花偏襯馬蹄紅

題畫

三首

明
沈周

綠陰如水逼人清深葉黃鸝坐久鳴一箇樹根非八座
白頭箕踞有誰爭

清暑茂林風日好
兩翁談屑落高寒
白雲故故沒行徑
要絕世人來此山

山逕蕭蕭落木疎
小橋流水限林廬
秋風黃葉少人迹
雞犬不聞惟讀書

題畫

六首

明沈周

愛是垂楊嫩綠齊
放舟晴日弄春溪
滄浪自唱無人和
飛過水禽能一啼

碧水丹山映杖藜
夕陽猶在小橋西
微吟不道驚溪鳥

飛入亂雲深處啼

臨水人家竹樹中只因孤嶼水船通
當門細荇牽微浪繞屋藤花落軟風

水次人家似瀼西參差竹樹路俱迷
溪翁兀兀不出戶日午飯香雞正啼

獨坐樹根無一事清風滿袖作微吟
夕陽好在秋水外日閣遠山還未沉

草房仍著薜蘿遮地扣林深獨一家
只道東風吹不到

門前依舊見梅花

題畫

明沈周

層層交亂雲
厯厯映羣樹
雲山互相依
青白媚朝暮
下有土著者
靜居氣鬱聚
修松蔭高宇
細草被紆路
幽深與世違
時復通杖屨
鳴禽值客來
語歇客還去
天機發所樂
漠然非人故

題畫卷

明沈周

吳之為國水所涵
有山平行無巉巖
我家多水少山處

悵望翠微心所貪時能借墨補不足數紙連絡長番粘
峰巒重復間溪澍雜樹列布多楓栴或開大壑浸山足
其樹半為浮雲含僧廬隱映遠木杪平圯道谷出水南
東邨西落互親友耕田鑿井同丁男便須芒履與藤杖
聽泉採藥我亦堪陽岡亭館誰擇勝雅許酒會并棋談
嘗聞巴蜀天下險未可一往尋鳧蠶子長之興浩不淺
感此老鬢霜髣髴聊因此圖畫所見卧遊日日已自甘

題畫

九首

明
雷 鯉

幽人讀書處茅屋倚江開雲抱長流去山銜好日來
一櫂滄江上煙流帶浦沙小桃通細磧別浦入荷花
萬壑千巖飛雪小橋斷岸平溪覓句獨騎瘦蹇尋僧遠
過招提

野渡忽橫魚艇長隄直到人家閉戶悄無人
事開牕自誦南華

細路小橋人獨往落花流水燕飛忙松陰市地沾衣濕
空翠滿身風露香

鳥外風煙古寺迴半帆倒挂夕陽來江天物色無人管
處處野棠花自開

古塘秋曉淨煙沙籬落西風菊自花滿目紅塵無著處
半簾殘日隔溪斜

竹杖芒屨一徑深小橋晴漲瀉松陰隔江亭子是何處
紅葉白雲秋滿林

滄江碧浪飛紅葉峭壁孤峰倚斷雲一舸圖書雨知己
海天秋思屬平分

金
卷二十五

雜題畫景 三首

明 祝允明

江曲柴門日自關
夕陽舟楫斷萍間
寒流遠近長如玉
流過漁磯便不閑

柳風欺水細生鱗
山色浮空澹抹銀
總道江南風景好
從來都讓鬪泥人

花滿百花潭北莊
無人同出碧雞坊
因風竹葉浮巾翠
落地松花上履香

題畫

明 許天錫

漁家在何處松塢枕寒流況與上方近時聞清磬幽柴
門掩邨霧小艇釣江秋因憶尋槎客無緣訪十洲

題畫

明
許天錫

酒筒詩卷足生涯更愛茅齋傍水斜獨倚東風尋句好
一溪春綠漲桃花

題畫

十三首

明
唐寅

青藜拄杖尋詩處多在平橋綠樹中紅葉沒鞦人不到
野棠花落一溪風

長夏山邨詩興幽
趁涼多在碧泉頭
松陰滿地凝空翠
肯逐朱門襌襪流

獨木橋邊倚樹根
古藤陰裏嘯王孫
白雲紅樹知多少
雞犬人家自一邨

綠陰清晝白猿啼
三峽橋邊路欲迷
賴得泉聲引歸路
幾回嗚咽認高低

端陽競渡楚江湄
紉袴分曹唱健詞
畫檝萬枝飛鷁送
珠簾十二映蛾眉

雪壓江邨陣作寒園林俱是玉花攢急須沽酒澆清凍
亦有疎梅喚客看

鯉魚風急繫輕舟兩岸寒山宿雨收一抹斜陽歸鴈盡
白蘋紅蓼野塘秋

空山春盡落花深雨過林陰綠玉新自汲山泉烹鳳餅
坐臨谿閣待幽人

草占書齋石壘塘闌干委曲遶溪傍方牀石枕眠清晝
荷葉荷花互送香

楊柳陰濃夏日遲
邨邊高館漫平池
鄰翁挈盒乘清早
來決輸贏昨日棋

雪滿梁園飛鳥稀
煖煨榾柮閉柴扉
地爐溫却松花酒
剛是溪頭拾蟹歸

黃葉山家曉會琴
斜橋流水路陰陰
東西南北雞豚社
氣象粗疎有古心

紅樹中間飛白雲
黃茅檻底界斜曛
此中大有逍遙處
難說於君畫與君

題畫

明唐寅

湖上仙山隔渺茫，氛塵不上渡頭航。
白蘋開處藏漁市，紅葉中間放鹿場。
落日沈沙曾有影，新霜著樹橘生香。
遙聞逋老經行處，芝草蕤蕤滿路傍。

題畫

明俞泰

小舸繫煙汀，誰知笛裏情。
寒蘆風瑟瑟，正是晚潮生。

題畫

明孟洋

丹青妙意畫莫測，一幅寫盡秋江色。
天遠平看楓樹林，

雲長不辨鴻飛翼，崖半青松綰夕煙。
洞門亂石繞寒泉，羽客看山坐松下。
橫琴不語心悠然，孤舟短棹清波裏。
煙雨霏霏笛聲起，蘆葉青搖洲渚風。
蓼花紅映江心水，松下舟中俱隱淪。
城闔車馬徒紛紛，悵然省識畫中趣。
何能歸來江上同鷗羣。

題畫

明陸深

溪山疊疊雪初寒，江水悠悠一釣竿。
著得羊裘竟何益，蓑衣和月下前灘。

御定歷代題畫詩類卷二十五